


SAYAN.NE D’ NAWÎ CONTE LI CORANT ? SARAN.NE NI NÉN NOS NÈYÎ ÈT, NÉN NAWÈ, ARIVER AU CORON D’ NOSSE NOÛVE SAYE ?

L’walon vént do latin k’ èstéve djôzé dins l’ Impîre Romin (ki l’ Gôle è fiéve ène boune paurt) èt ki s’ avéve machî avou l’ Cèlte k’on z-î causéve divant ki s’ arivenuche. Rapwârt ki lès tropes d’ ocupacion n’ èstîne, come di djusse, nén dès mias èdukés, l’ tot n’ fiéve



dèdjâ pus on classike lingâdje. D’ ostant k’on nêl sicrijéve ki wêre. Au fil do tins, lès prononçâdjès si sont kandjîs. Li “ou” s’a mètu è “u”, lès coûtès vouyèles s’ sont doviètes odobén sèrêyes èt lès pus longueûwes ont djowé à l’ avenant tot parêy. Adon, lès maus-èlvés d’ Barbâres ki s’ ont ramwinrnés î z-ont co rmètu leûs sakantès louchîyes d’ bastaurdâdjès. Après tot, min.me li suk di s’ tins la n’ èstéve nén non pus dès mias rafinés, èndon. Èt i vnîne di tos lès vichnauves èt d’tos lès corons sins z’awè sogne di bèn spèpiyî leûs manîres di fé èt di dviser.

Min.me lès cias k’ avîne fé totes lès scoles ni purdîne pus lès pwin.nes di bèn scrîre l’oficîr lingâdje da

Cèsâr. Lès ôtes, l’ tot v’nant, i n’ s’rtoûnin.ne nén po on “à peu-près” odobén on bia “cûr” di patakès.

Kan on vwè ki d’nos djoûs i n’faut wêre di tins po nos bèrdèlâdjès prinde lès coleûrs d’s-ôtès paurlâdjès, on pout comprindre k’è sakants

On saye di continuer à tot comachî...

sèkes on pout kandjî d’pus d’én còp s’ môde di transmète sès tûzâdjès à s’ vijin èt d’fé lès bias ouy à s’ feûme.

I s’faut s’sovnu ki l’ françès k’on pou conèche asteûre n’a stî étou k’on dialèk k’èstéve wêre d’ ûzance dins lès sicrîjâdjès do vî tins. Si on s’vout clincî d’su èt s’î prinde à deûs trwès còps po lès bèn comprinde on s’ rind râde conte kça n’avéve ki wêre à vîre avou l’ parigotâdje d’ vosse posse MINS k’on s’î rtrove dès banslêyes d’ mos walons d’audjourdu. Li tot èst d’taper nos ouy dissu ! Purdons l’ prumî mo ki nos vént : “**rayèle**”.

L’atrayîr on nn’a causé dins ène gazète ki prind l’ pwin.ne di mète è *italike* lès tites di sès tècses scrît è walon. (*Dins l’ astchèyance èwouski lès lîjeûs n’si rindrîne nén conte, d’ azar ?*) Min.ne k’i s’dimandîne si “*rayèle del cave*” n’èstéve nén dire deûs còps parêy (on plèyonasme, da !). È bèn k’non.na ! L’ “raiere”, “raiele”, come i sicrijîne do timps èwousk’on prononcéve totes les lètes, c’èstéve li trauf (fènièsse) lèyî dans l’ meûr, o l’ twèt, po lèyî l’ djoû (lès “rais” do solia) passer. Pirsoul li savéve co èt s’rapwate à E Wartique : “*li solia mousse au gurnî pa lès rayèles do twèt; è l’ iviêr on stope lès rayèles èt lès laurmîs; i m’chone mi sovnu ki gn’a one ôte rayèle ki done su l’pignon*”. Mins dire rayèle po “boche d’ègoût” m’parèt s’ forpougnî. Mins, mi c’ki dj’è di, in...

Tant k’on z-î èst, po c’ki èst d’ AUMAYE, po Pirsoul s’ èstéve ène djon.ne vatche ki n’avéve co pont vèlé. Ène djini o djinisse. Haust radjoute, li, k’èle a ON an èt ki l’ mo vént do latin “animalia” èt kç’a z-a doné l’ françès “aumaille”. Dire k’ ène djone *bauchèle è-st-ène aumaye*, c’èst l’ traîtî di nén sèrieuse. Si on prind lès pwin.nes di rmonter è 1160, l’ *almaille* loméve l’ pèkèye dès grossès bièsses dèl cinse (tchivaus compris avou). L’ *aumel* èstéve ène bièsse à cwanes, l’ *armal* on djon.ne boû... (à chûre, ptète à rchurer...)

*

MOTÈT, TOT PASSANT

Dovièz mi l’uch, bèle, très tinde mie
 Dovièz mi l’ uch do ptit pachî.
 Si Diè m’aspouye, c’n’èst nén folîe
 Dovièz mi l’ uch, bèle, très tinde mie.
 - Ralèz vos don, dji m’dèmèfiye,
 Mi ome n’vout nén m’lèyî bètchî
 - Dovièz mi l’uch, bèle, très tinde mie,
 I n’va rén vîre, on s’va bachî.